

OHR apeluje na Zastupnički dom BiH da usvoji nacrt Zakona o Državnoj graničnoj službi

OHR konstatuje da je Ustavno pravna komisija Zastupničkog doma BiH nepobitno utvrdila ustavnost nacrtu Zakona o Državnoj graničnoj službi. Ovaj zaključak nije neočekivan, kada se ima u vidu izjava članova Predsjedništva od 24. juna 1999., u kojoj je potvrđeno da nacrt zakona posjeduje ustavni osnov.

OHR podsjeća Zastupnički dom BiH da načela iz Njujorške deklaracije i principi osnivanja Državne granične službe, koje je Predsjedništvo BiH predložilo Vijeću sigurnosti Ujedinjenih nacija 15. decembra 1999., nisu otvoreni za revizije ili izmjene, i da se nacrt Zakona o Državnoj graničnoj službi zasniva na načelima iz tih dokumenata.

OHR apeluje na Zastupnički dom BiH da na svojoj sljedećoj sjednici, koja će se održati u utorak, usvoji nacrt Zakona o Državnoj graničnoj službi u obliku u kome ga je Predsjedništvo predložilo. Nadamo se da će Parlament BiH pokazati građanima BiH da državni organi zaista čine pomake ka ispunjenju minimalnih preduvjeta za integraciju u Evropu.